

սեղան, որի վրայ Աւետարան եւ խաչ: Այնուհետեւ հերթով դալիս են միւս տանուտէրերն ու պատգամաւորները, նախագահի աջ եւ ձախ կողմերում շարուած:

— «Ահաւասիկ այս խորանը, ուր բազմում են տանուտէրերը — սա՛ է Հայոց Տունը եւ ախտեղից ելած օրէնքը Հայոց թագաւորն է» (միդ, միե) — բացականչում է Շահամիրեանը: Համրապետութեան նախագահը

Ամենից կարեւոր պաշտօնը Շահամիրեանի ծրագրած անկախ Հայաստանում Հանրապետութեան նախագահի — որին, ինչպէս տեսանք, հեղինակը «նախարար» է կոչում — պաշտօնն է: Նրան ենթարկւում են ամէնքը, բացի «բարձրագահ եւ բարեկարգ տունն հայոց», որովհետեւ «ոչ ոք ծնունդ ի ընտրութենէ մաղոց ունի իշխանութիւն յիշխել ի վերայ տանն հայոց» (ծա): Նա ազգ. ժողովում ունի երկու ձայն եւ ամէն տեղ, թէ՛ պաշտօնական եւ թէ՛ մասնաւոր հաւաքոյթների ժամանակ, բռնում է նախապատիւ եւ առաջին աթոռը — ազգային ժողովում, եկեղեցում, խնջոյքներում, եւն.:

Չնայած իր բացառիկ դիրքին, Հանրապետութեան նախագահը ոչ մի բացառիկ իրաւունք չի վայելում. նա կոչւում է օրէնքով կառավարելու եւ օրէնքից մազի չափ անգամ չեղունելու իշխանութիւն չունի: Յետին քաղաքացին իսկ կարող է նրա ձեռքից բողոքել դատարանին եւ պատասխանատուութեան կանչել (նխգ): Աւելի. պաշտօնէութիւնը, որ անմիջապէս նրան է ենթարկւում, իրականի մէջ շատ քիչ կախում ունի նրանից. նա չի կարող պաշտօնեային իջեցնել կամ հեռացնել պաշտօնից: Նա կարող է միայն ժամանակաւորապէս կախակայել նրան — մինչեւ գործը քննուի դատարանով: Եւ եթէ պաշտօնեան անսպասելիք ելաւ, նա նորից ստանում է իր պաշտօնը, իսկ նախագահը վճարում է նրա բոլոր վնասները (ծա, մլգ, մը, յք):

Հանրապետութեան նախագահին ընտրում է Ազգ. ժողովը իր մէջից եւ երեք տարի ժամանակով: Սակայն ընտրութեան եղանակի համար կայ երկու օրէնք, մէկը միւսին հակասող եւ ջնջող: Ըստ թիւ 20 օրէնքի, այդ ընտրութիւնը կատարւում է սովորական ձեւով, այսինքն՝ ազգային ժողովն ընտրում է ձայ-

ների մեծամասնութեամբ համապատասխան մէկին՝ «այդ մի տէր պատուոյ եւ դաւառի սեփական յազդէն հայոց դաւանութեամբ Հայաստանաց սուրբ եկեղեցւոյ»:

Ըստ թիւ 49 օրէնքի՝ այդ ընտրութիւնը կատարւում է մի տարօրինակ ձեւով ոչ թէ սկզբից մի քանի յարմարադոյն թեկնածուներ են առաջարկւում եւ ապա նրանցից մէկին ու մէկին ընտրում, այլ մի անգամից ընտրւում են 13 հոգի եւ նրանցից որին որ դուրս եկաւ, պատահաբար, թիւ 1 վիճակը, նա էլ դառնում է Հանր. նախագահ, իսկ մնացած 12 հոգին նրա խորհրդակիցները — բայց ոչ խորհրդատուները — կոչուելով երկրորդ, երրորդ եւ այլն, մինչեւ 13-րդ խորհրդակիցներ, համաձայն իրենց հանած վիճակների:

Պարզ են ընտրութեան մէկ այսպիսի ձեւի հետ կապուած անպատեհութիւնները, որովհետեւ նախ՝ 13 արժանաւոր թեկնածուներ գտնելը շատ աւելի դժուար է, քան 2 կամ 3-ը, եւ երկրորդ՝ վիճակը կարող է դուրս գալ այդ 13-ի միջից էլ ամենից նուազ յարմարագոյնին:

Սակայն, ընտրութեան այդպիսի ձեւը ցոյց է տալիս, որ նախ եւ առաջ՝ Շահամիրեանը վիճակահանութեան մէջ նախախնամութեան մատը տեսնելով, կասկած չունի նրա յաջող եւ նպատակաւորմար ելքի նկատմամբ: Երկրորդ՝ որ նա շատ քիչ նշանակութիւն է ընծայում անհատական կամ միանձնեայ սկզբունքին պետական կեանքում եւ ընդհակառակը, չափազանց մեծ դեր կոլլեգիալ կամ հաւաքականութեան սկզբունքին:

Միւս կողմից՝ ընտրութեան այդ ձեւն ապացուցում է, թէ այսպէս կոչւած 12-ի այդ խորհուրդը — որը երբեմն նաեւ ծածուկ խորհրդարան¹⁾ է կոչւում — առաջնակարգ նշանակութիւն ունեցող մի հիմնարկութիւն է Հայաստանի Հանրապետութեան մէջ, ազգ. ժողովից յետոյ գուցէ երկրորդը, որի միայն

1) 23-րդ օրէնքի մէջ այս հիմնարկութիւնը կոչւած է «ապարան ծայրադոյն դատաստանի», անշուշտ կամ սխալմամբ, այդ մարմինը չի տեսնուում նոյնանուն դատաստանական հիմնարկութեան հետ եւ կամ ի նկատի ունենելալով այն, որ այդ մարմինը հանդիսանում